

榴經堂類藁

籍經堂類藁卷第六

晉江陳慶鏞頌南撰

賦 擬體 古體

擬揚子雲長楊賦并序

永始三年十二月皇帝羽獵畢將以明年秋發民入南山
拜虎豹熊羆麋鹿豪豬狄獾狐兔於其中張陸置罟大蒐
于長楊射熊館是時扶風褒斜宏農漢中數大郡皆應命
從獵不得耕耨雄謹案周書不卵不蹊以成鳥獸禮蒐苗
獮狩各以時穀梁說四時具然後為田而蒐于紅蒐于比
蒲春秋尚不絕書未盡非之竊鋪張盛事作長楊賦以獻

其辭曰

有巴蜀父老問於壺關主人曰古之為治者恩翔而義洽
動而德光今上獵五柞返未央越年將有事於長楊先命
右扶風發民斲至乎太華之麓南山之陽挾日月以為彈
握鈎陳以為檣屬車班駟而橫出華轡控驄以喬皇然後
拖兔罽鹿帶紂斲狼鵲鵲鐵羽於翠巖虓虎翕牙於霞莊
螭控翼開鹿剡鵠張氈廬雪毳習為坦場此亦極天下之
至樂矣雖然亦頗奪於火耕刀種而震動乎萬方且夫人
君以詩書為藩籬禮義為干櫓涉藝林游文圃今踐蕙幄
而頡鹿麋蹂蘭唐而批復窳非所以崇盛儀豐茂矩也僕

竊疑焉壺關主人曰吁子之言則是矣然猶以管窺天以
蠡測海見其小而未見其大也亦知蒐狩固國家常典乎
父老曰唯唯謹受命主人曰秦虎狼之國也昔者黷踰其
區兌喙乎中域農不得耕女不得織天命我高祖建天闕
運斗樞祭蚩尤於沛廷之上破秦軍於蕢山之隅收咸陽
襲高奴剪第強項殄殲余吾驪駭盜軼狝捕鯉驅復繕治
河上塞阬秦苑囿令民田之而為之區困者整危者扶七
年之間遇劉底定而天下喁喁迄乎聖文卻貢珍守林麓
弋綈為衣露臺弗築帷帳無文閣檐不複於是後宮賤翡
翠而惡珠璣屏鄭衛而絕絲竹下明詔毋以逐末害農毋

以酒醪靡穀是以風雨和而臣民睦也厥後熏鬻不庭甌
越相戮繹騷我桂陽蕩寇我上谷蹴踏我雲中震驚我獨
鹿聖武赫然斯怒爰整其兵船下湟水師出龍城建以牙
羽聲以金鉦載參旗以肆伐揚并鉞以前征金支萃蔡露
鼓砮砲鞭應龍於九野屠海水於鯢鯨遂迺趾駸駸
駸轡修蛇膏封豕刳居延馘僭耳磔裂牙張削平角犄東
略九真珠厓西定沈黎越嶲北平高闕符離南撫蒼梧交
趾所過拔邑降城一麾輒靡神爵生鳳凰止驪獲駸廐裏
題麟趾一時霧息邊山風恬寰海鷺堠無驚狼星頓改義
以為宣仁以為愷故能沙撲飛蟲濤驅腐鯢摧蒙茸刊鬼

華蹴枹罕於金城埽穹廬以木櫺使鑿齒雕題椎髻植髮
莫不踣足抗首拱頤樹頽水慄陸警囊弓而釋鎧中外恬
然垂庥者五十有四載今仁風翔被膏澤延絲鳧鷖磬磻
狐兔獬獿六麋隊趨而企踵五羝羣會以駢肩彪虎驕駢
乎其穴蛟龍踴躍於其淵然物靡盛而不虧道無隆而不
剝故圖險於平黜華於樸迺時以弁雅合羣整輿飾較張
鄠杜以要遮下長楊而拊狎江河為陸雲漢為幄佩以僕
姑揮以墨稍蜚廉之所輜轡猿蜚之所跼踣犀兕之所攬
拏獬豸之所凌趨萬萬笑而就擒猩猩號而握齟鸚鵡鵠
鷦文鷦青鷦咸入乎其中與為擊撲鷹脫鞬以戔戔盧重

鑾而跼跼塵壙為之蔽天風雲為之動岳又恐從獸無厭
先整旅以竦戎繼止戈而節樂夫禮紀祭禽詩歌搏獸梁
騶天子之田也獵碣岐陽之狩也故日不及晡朝不及旭
駕以鐵驪射其獮蜀亦所以奉太尊之遺規步文武之芳
躅使耕耨以時庾倉皆足察民情厚風俗乃陳夏擊之球
揚頡頏之轟撞大呂之鐘鼓金饒之曲薦肴烝酌醴醑神
人之飲以和井牧之田以沃漈見馴象貢自南越天馬生
於渥洼獲茲祉福播以庥嘉登空同自泰山至于梁父升
壇者七十有二家豈徒桮棬賦於載薛發矜矢於谿衍轡
轡乎杭稻蹂踐乎桑麻振師烏弋動衆褭斜與賁育之徒

蒙盾負羽曳塘斧而仗莫邪區區計獲之名寡數損狄與
麋鹿言未畢父老巡逡避席喟然歎曰其斯大禮所存乎
微子言幾無以啟僕之蠢愚

擬潘岳籍田賦以題為韻

維晉泰始四年正月丁亥皇帝冕而朱紘躬乘耒藉於千
畝禮也先時九月簡稼器於甸師詔吉辰於太史命野虞
使埽田飭司徒使按鄙見夫陽氣憤盈土膏覬起邇陌直
以如繩遐阡平而若砥芳塍灑潤於平泉清眈引渠於洛
水乃進稷官而告之曰自今至于初吉攝提貞於孟陬天
廟當日月所底驪鑠蔚其春融兮輕鸞黜以雲委尚其祇

祓齋宮躬耕泰時詔掌次以除壇首農人而舉趾田曰填
而惟稼之崇藉言借而惟名之擬於是備法駕整金鸞輿
塗丹漆履染墨潘被以黑介之幘服以通天之冠飾以蒼
玉之佩結以黃綬之鞶雉扇門開夫閭闔龍簾宮動夫銑
鑠象衛殷轡兮東西列虎賁駢萃兮左右蟠輦鼓喧而雷
震葆走煢以星攢采韞競妍以雕鉸麟罽交綯而飾繁鐵騎
翹越於鈎盾兮金根照耀乎上蘭熠燿琴瑟之瓊釵兮飄緋
縑之綃紉羽儀扈扈侍從桓桓內宮獻種稂之種挈壺司
刻漏之官幕張氍毹案圭薦躬璣駢駢隱隱徐至乎耕藉之
壇迺宿齋宮位行幄踐寅方履辰角肅典禮於三垓咨便

程於四岳望蹇位於坎離設廩犧與藉穉撫御耦以親推
總法縻而在握叱半畝之烏健揚五花之青駁耜一墾其
泥深土三望而膏沃辨黑壤及黃壚種冬稌共夏穡閭閻
風清瑤葩露擢饗及啜陸聲陳祓樂於斯時也元瓚球膠
彫木駁犂寶篆香升翠郊塵撲颺頤燎於高禋興肝饗於
淵遊司農緯耒而續耕太祀奉書而致慈連襪懽忻倚裳
騰蹕農正垂晨柳星見嚼洵乎三垣之拱紫微而萬國之
觀太學也徐而回軫外帷移旌長陌日麗雲紅川晴草碧
澄翠靄於霞莊耀黃煥於煙磧剡駿發之膏腴兆魚綏以
豐益維庶人之勤劬遂終耦而襁褓蹕瞻顏咫尺深澤尺

念萬乘之常尊尚耨鋤而弗釋政以農占物因地惜巡禹
甸之酌酌頌載芟之澤澤豈吾皇之好勞哉將御之於神
倉必躬之於帝藉是以青雀銜禾赤烏獻麥九穀以登三
時不易吾儕小人其服田力穡毋斁有田老耆夫進而稱
曰嘉薦普淖迄用康年參御保介式禮莫愆今聖上昧爽
丕顯溥濯加虔煇蕭藝脂於是乎達嘉粟旨酒於是乎全
孤莖六穗一麥二秬則自此之延且夫赤稭黑秬所以充
豆籩也香秬戎菽所以薦几筵也崑禾鄔黍所以致吉蠲
也凡茲祀事天祖普錫垓埏惟土之媪惟藉之暎仰彼先
畇瞻厥天田沕沕乎穆穆乎祭耒以暢升中于天匪惟豐

綏之播抑亦仁孝之先用是休嘉揚為盛美歌詠被諸管
絃敢作頌曰劉彼圃田嘉禾布護紺轅戾止言載其輅司
宮埽壇司士戒路總耒扶犁甘雨其澍天賜來牟以作爾
賦我倉既盈我庾既裕簞甑汚邪靡不畢具時餅年豐飯
以大酺明德馨香惟神所祚於萬斯年邦本永固

擬丁儀勵志賦以題為韻

賢前哲之純修實行芳而著美竊企慕乎德馨凜寸衷以
自矢不憂喜於榮枯奚加損於譽毀期密勿以自殫切登
攀其昌已竭駘駘之庸材引駢驥為比擬欽夷夔之峻節
偉曾史之典型樂療饑於泌水守抱灌於園丁謝貂蟬之

滿室薄金紫之盈庭判薰蕕於宿草分清濁於渭涇稟天
全之良貴每戰兢以自持惟始終其不忒豈窮達而轉移
揚法言以致戒莊秋水以自怡濮觀魚而涉想蕉覆鹿而
遐思念流丸之所止識周道之威夷信淡泊以明志願守
墨而守雌爰虛衷以自責常火滅而修儀不隨波以逐流
毋趨炎而附勢築道義以自閑籓禮義以為衛雖守屈於
蓬門豈致傷乎匏繫芳特契夫芝蘭性自貞夫薑桂故介
石之不移抱大川之利濟求寤寐之所安爰立節而自勵
嗟世道之險巇竟以意為軒輊痛鷹鷂之不逢屈于將而
莫試駒繫谷而空吟鶴鳴皋而遠寄寶燕石為奇珍卞守

璞而不棄勵吾性之德修宜濯磨夫厥志珍大禹之寸陰
凜洪爐之日鑄抱潔白以懷清勵冰淵以守素追聖哲之
遺芳採詩書之奧趣處樸約而常恬遇紛華其奚慕美日
就而月將全性天之所賦

擬庾信三月三日華林園馬射賦用原韻并序

臣聞甲子披圖虞陞紀垂裳之治庚辰佐命禹功垂明德
之庥闡苞符於天乙玉化黃魚鍾瑞應於姬昌書銜赤爵
我大周之創業也治席蘿圖薰凝桂室大烈苞鴻休之緒
累仁昭燕翼之謀天馬來自渥洼駮廐獲諸郊時豈徒誇
夏后二龍之御周王八駿之馳已哉皇帝以天縱之姿膺

神明之運誕敷文德載績武功時舉夫禴祭禋柴歲勤乎
蒐苗獮狩加以卑官法禹解網宗湯觀政授時書懸象魏
飛翹揚滯典試驅劉瑤樞輒應屢徵魚躍翠螭金鏡常符
奚止鷄鳴陳寶禾獻一莖六穗之奇獸呈雙觥共觝之異
鑿齒雕題秉兔旌而納賁黃支赤縣通雁塞以輸誠於時
青鳥司辰蒼龍啟令雨晴苔碧川縹樹紅皇帝幸於華林
之園御飛黃之駟乘雕翠之輶萬甲騰歡三辰指曜旌揚
霓而柳拂蓋翼鳳而花飄乃命羣臣陳大射之禮七騶咸
駕三扈具張棲皮則的樹熊侯值羽則杠韜鴻胥騶虞既
詠狸首斯陳弓成九合洵稱沉紫之良矢備參連爰錫大

黃之號於是超馳玉壘騁絕金郊種儲夫綠蛇紫鷲閑選
夫銅雀神鳧媒亦名龍舞五花今髣起脊原肖虎凌三爰
今塵飛莫不銜勒籥雲控勒動月合三驅而並御張萬弩
以齊開言鳥告歡牙獸屈膝錢堆則似埒錦積則成塙堯
樽之醖斟湯鼎之肴進俄焉烏彩漸低蟾光微露韎韐色
喜鼓譟聲譟雖非虎射虔亭差擬馬同汧渭政美益虞之
掌仁昭文囿之施小臣才懸倚馬技等雕蟲匪事鋪張聊
陳崖略

四望韶陽壇竭河梁其律姑洗其歌哲陽青鸞啟瑞朱鷺
呈祥舞八風於閭闔動萬戶於總章灞上則握蘭修禊洛

瀆則贈芍留香皇帝校蒼駟於天閑駕黑虬於宸苑望廣
陌之平塗登陂陀之峻坂天畢前驅轟牙高轉南浦春回
西城路遠樹壇以表度地以筵宮開平樂館築斬年命蛟
人而設幟朝罽國以張旃矢搜稷慎琛納跼焉校戎鈎盾
習馬甘泉金較之根日耀紫芝之蓋天圖執笏子來凝旒
辰撫豹尾懸輶雞翹析羽乃睠昭華載臨射圃螭角垂涎
蟹泉沸乳桐挺鳳來柳叢鶯聚熊耳為旒天河曳鼓於是
星馳飛阜雪躡晨風共上三雍之時合圍五柞之宮竹耳
迎而控紫桃花映而流紅右僕射之金鏃左繁弱之瑀弓
厲黃澤而射隼倚紫陌而批熊楷似長虹貫影駿如飛電

騰空司正奉侯修閭執節飲羽銅山銜竿金穴表則萊植
二虞棚則彩張五埒麋射脚而澤空驥奔蹏而塵絕夏箭
簇而帶星軒弧彎而對月乃有宿衛攸飛羽林舞選初來
細柳之營細習昆明之戰絳幘服戎黃驕陪譙光搖玉醴
之霞舞拂金壺之電執燭鳴鏡奪標指箭鐵甲擐躬銀鞍映
面具行慶於帷宮咸承恩於帳殿獲落銜杯雲氣浮壘箕
釋純而掌賞語揚解而眉開褭蹏之金地湧天鹿之錦山
來技拔射熊之館風高戲馬之臺旣而宴罷蘭唐興迴蕙
圃聽萬道之譙呼觀兩階之起舞欲使茵盡連錢石皆沒
羽貫鈞則翼發五紆飛鏃則鋒摧九虎况復治嫫無為湛

湛露斯播嘉和於玉燭書瑞喬於金枝勝衛邑之牧閑三
千牝崇周廷之朝服八十儀

擬庾子山燈賦

以銀鈎半上若木金低為韻

限三百字

輝遲蚌彩影宿烏駿丁簾未下甲煎空陳鑰初扃而試鐵
壺乍滴以流銀忽焉蒸然絳蠟瑞結青籊張上金鳧銀燕
添來西漆南油沅蘇雲澹萃蔡風柔紫射芙蓉之帳丹凝
翡翠之鈎戶動星臨池方月半塗鴨爭華盤螭交爍金釭
與壁帶玲瓏火樹共銀花璀璨乃有錦飾畫堂榮開珠幌
承恩則葉轉蓮花待詔則光分藜杖金藕柯纏銅芝綵上
動鱗甲於千層照虹梁於十丈亦若拭几書窗橫紫

錦鳳初圓圓寵共燦明如碧海躍鯨爛似冰池映鶴四照
鱗而五光煥若况復車滿香街笙吹華屋綵列仗排錦團
花簇輕熬翠蜃之脂合和青檀之木銀粟高搖銅荷細矗
莫不燭明華錯帶斷銍連如冰虬之盤屈如華鵲之斑鮮
如仙龍之吐穗如燧象之騰煙蔚九華之燦敷五采之全
既而更闌牖北燼剪窗西知更起雀詔旦聞雞枕都日上
桂窟輪低摩挲漢銅曲留寶尚方題

擬常袞春蒐賦以政狩得時獻禽合禮為韻

龍樓日霽虎幄雲連上方功歌九叙禮重三田布政教于
明堂文德之敷單洽集冠裳于王會武功之義攸先所以

行大蒐而訓簡飭春仲以遊畋惟春也得仁之行惟蒐也得義之就仁則昭其長人義則取乎搏獸聲金節鼓喜逢鳴鹿之辰建纛張旌更遇射鵠之候其典可觀其功可奏歌騶虞而典樂我澤如春載鸞輅以行旌之子于狩惟揜雅于羣材匪馳情于苑囿奉時辰牡熊羆之士聯鑣修我甲兵虎豹之師介冑其始則訓戎行申警惕耀羔裘揚虎植初伐鼓以蕭蕭更鳴鉦而得得麗五花之寶鉸氣馭譯鞬建七萃之高牙風雄印轡三驅之典攸昭五較之文爰式其繼則登劣崩陟嶽巖飄落花與芝蓋植葆羽與金支左千將之雄勁右夏服之奔馳震羽檄于榆關柳塞耀旌

旄于雪嶺雲祠帝乃清風伯飭雨師拉猿狄截蛟螭摧鶻
鸞觸鬚鬚驅之乎駟鐵駕之乎雲輜宣威于鄭圃周曰止
戈為武簡衆于秦封漢峙使民以時第見箭落星飛花然
草蔓翠蓋雲籠青旗雨噴網開三而羅張甲蹲七而骨健
麟角呈祥豹文獻瑞既驅我馬開虎園以置羅亦有懸貆
出熊園而賞勸惟校獵兮精專豈爭能于尺寸然後昭其
獲選著其虞歲穀流旁握算糴前禽莫不車迴旆卷駕引
軒臨錢收騁埒蓋偃迎陰揚子無所誇其羽獵長卿無所
侈於上林陡見雲罕頽顛戎輶馭獸走草茸鳥啼花匝
旗雜日以續紛鼓鳴春而韉鞞駕息七騶德年六合犒師

于以班弓飲酎于焉奉榼有司乃拜手稽首而頌曰天以
唐克肖其德奉天時昭典禮靡撓旃飲凱醴帝將雲興王
師雨洗君子謂是蒐焉足以耀邊疆而揚殿陛
擬李程日五色賦以德動天鑒祥開日華為韻

王宜日中聖見天則治正南門樞齊北極衍七政以無愆
順四時而不忒義和占日立三賓以象三光陽燧著明會
五彩克彰五色時維降康天以唐克肖其德於是顯赫曦
扇帡幪探鴻濛窺瀕洞順禮以行應天而動煦庶彙之昭
蘇洗圓光之瞳矇韜黑彩兮離奇結祥光兮鬱翥在天成
象禮協斗以為儀如日之升璣運鈐而克總維時年豐人

瑞璧合珠聯耀乎八極麗乎九天濯曜羅於蒙谷懸金鏡
於虞泉浴搏桑於海表拂若木於雲巔非霧非烟極密光
之必照疑紛疑郁團瑞彩以為圓陡焉織樹鬱儀幢懸清
梵耀啟文嘉彩澄陽鑒螭振轡以如馳鳥織紋而待賺石
幽煉以交暉河榮光而遠蘸雲垂朵以插瓶露浥華而盛
覽擎柱乎鑿鑿之山盪輪乎汰沃之汜禾穗銜珠草莖負
劍月耀重輪星銷長鏡庭駐日鉦海杭雲帆可與四靈為
五瑞先乎麟鳳龜龍共呼萬歲者三謹動於公侯卿監新
又新兮明德旦復旦兮重光如靈芝之纈采如夏翟之成
章如及農之澤成春雨如作貢之土辨徐方愴人作繪夫

山龍藻火馮相兼書夫蒼赤黑黃結以玉虬輝動炳靈之
德承茲金蚪天開文字之祥乃登日觀乃上雲臺察祲祥
於十煇驗暈珥於三能知發揚而德耀實鬱勃而福開日
掌賞而呈奇物華畢付聖常陽而出治至道兼該固知三
階平五雲喬六府修四海壹勅典而五服攸彰撫辰而五
行有秩五星煥其景爍黃珥抱輪五緯射其斑斕黑鳥浴
日天子宣昭義問播告庥嘉運值河清海晏時逢雲爛星
華煥乎有文用克彰厥善就之如日其咸乂王家故曰維
天以日為御維帝以斗為車

擬張曲江荔支賦以果之美者厥有荔枝為韻 并序

荔枝者南海郡產也古不登上國自尉佗入漢貢遂通焉
余曩在西掖與舍人彭城劉侯品為諸果冠思為賦而未
遑茲以理郡餘閒追續厥志夫物以罕而見珍知以希而
為貴恍然有感遂作賦曰

挺然無雙者嶺南有荔枝之果雖受氣于木醲實稟精于
離火釀崖蜜為天漿數虬枝于道左露結千盤霞標數朵
如蓋之圓如珠之顆傍蔭畝以葉披下合圍而枝韡爾乃
舒英苾苾結實垂垂紫文靈霽紺理芬纚布若帡幪張火
織閃若煜爚升鬱儀灼若繁星駢璀璨赫若火棗錯迷離
甘漿馥處頰頰塗時叔師羨矣武仲稱之惟前志之猶闕

遂評品之見疑觀其綠殼含滋青華著美黛葉離披細枝
旖旎犀露角以戔戔虬綴珠而榮榮豔奪江萍嬌顰嶺柿
有似乎鶴頂之凝朱雞冠之染紫若夫穠郁盈園莖芬滿
野馥噴麝煤薰凝鴛瓦銜應待夫鳳皇繫不留夫駟馬芳
縹釀其殷紅縹囊滋其渥赭臭撲鼻以縈紆清沁脾而雋
雅有似乎小山之桂留彼幽人空谷之蘭香為王者至如
絳幘重包輕丸秀發石蜜依稀冰肌恍惚甘也若飴飴兮
如醪醉可醒夫陶然氣用祛夫憤厥消煩懣之悶心雪炎
蒸于暑月有似乎突明之國火實離離姑射之山瓊漿勃
勃偉味聖之珍奇何甘滋之醇厚超杏酪與桃漿軼花豬

與竹龜數玉辨以晶瑩擲金瓢兮抖擻信釘座之真人為
果實所未有當夫綺席乍開良朋方詣得茲異珍增彼新
脍內含章而可貞外煥發而彌麗積雪膚于金盤堆絳殼
于玉砌食累多而無嫌期調氣於有濟誰剖實于紫綃獨
擅名夫丹荔夫其貴可以通上國珍可以達彤墀陰廣開
夫南畝子團結而四垂長著稱于海嶠或別名乎離枝莫
不噴金丸之的皪詫火齊之離奇懷異姿而未遇委僻壤
以莫知譬棲衡與樂泌徒山巔而水湄彼龍眼並稱于曹
魏側生略賦于左思要未計夫南粵之厥包西漢之置侯
而相與辨于斯也

擬唐韓偓紅芭蕉賦以題為韻 有序

唐承旨翰林學士韓偓累貶鄧州司馬後隱南安九日山
石林葉氏稱在閩著作甚夥唐藝文誌載其文皆閨房不
雅馴紅芭蕉賦亦猶是也偓出處頗知大義豈其流落無
聊姑以為戲然不可為訓矣今效揚雄反騷之作規其體
而舍其詞曰

萬綠叢裏雲隨朵起其色嫣然其花卓爾揚翠扇以飄搖
轟青旗而旖旎芳蕤匝地一庭之蒼翠堪娛嘉蔭彌天六
月之光風可擬有芭蕉焉青油細點黛葉徐揚朝迎薄靄
暮納微涼席常招夫鹿覆蔭未許夫鴉藏幾疑地近仙居

是色是相雅見光生佛國亦皇亦唐其為紅也繽紛霧結
的皪星攢燦若猩唇之染紫斑若鶴頂之凝丹爛若鳳苞
之揚頰奇若鷗彩之聚冠火然雨後金剪雲端依稀寶相
之花生當午殿恍惚珊瑚之樹貢達辰韓則見紺宇牆邊
琳宮屋角葉密陰圓花濃翠駁映曉日以全烘灑浮塵而
細撲印寫金經圍張赤幄掩映菩提旃樹參世界於葛懷
交加珠草瑤花住仙人之鑊幄其在紫薇省畔紅杏林中
亭亭帶雨灑灑迎風月映蟾而遠界雲移雉以輕籠紙敲
窗而鹿鹿蓮撒炬以熊熊以為臺閣絲綸繭曾抽碧可有
文章黼黻箋亦題紅若夫屋橫烏几櫺透絳紗籬疎穿眼

簷矮垂牙浸紅瓷而穠郁連碧砌以橫斜誰侮予美曰惟
汝嘉結綠成天恰喜書工懷素研朱滴露允堪易點侯芭
亦有望郵亭之渺渺瞻驛路之迢迢植依辛塢生傍午橋
霞明絳點露挺紅翹華半舒而半卷華弗琢而弗雕旁若
無人肯效女蘿施柏引為知己喜逢修竹彈蕉夫豈以綺
結羅張炎趨勢附窈窕襲人妍媸成趣維覆蔭以無私乃
堅貞其永固偉質天修恩光日鑄朱草合朔可能儼於其
倫冬蕉卷心正是全其所賦

擬蔡君謨季秋牡丹賦

以朔羽

南翔建杓西宅為韻

蔡忠惠公宋名臣也腐蕪湖適河間凌公尹縣之二年

介秋涉杪牡丹發采翠亭右扶欄因取美人香草以況
之美其負經濟才沉淪小尹而以幽草之馨卜允升
是則然矣然君子樂天知命一官一邑苟留心於物於
物必有濟何必侈談符瑞希冀未來今仿其詞不師其
意聊效反騷之體云爾賦曰

嘉禾遂生朱草合朔天德炳靈物華揚摧繁涼葉之轉秋
兮羗羣芳之見剝偉大造之扶輪兮有名花之秀擢厥初
委葉荒榛沉吟苦窳局絳蕊於璆墀纂丹霞於琳圖寶霧
凌晨赫曦卓午鬱第未伸芳菲莫吐雨濕蝶衣雲籠鸚羽
無解語之金鈴無催花之羯鼓忽焉桐飄金井楓老寒潭

簌晴陽以郁郁襲香氣以醺醺張寶帷兮奇胎綴黼綠附
兮湛露酣排硃陽兮舍北凌瀨瀚兮階南遂乃交柯翠結
駢帶紅張蛇鮮萼兮異常發奇卉兮流香盤鶴錦兮成裏
耀鳳藻兮高翔月朦朧兮照迴廊霓煥赭兮映緹裳菊為
緣兮籬之曲蘭有友兮岸之旁昔之鳳尾芽抽鹿葱瑞獻
帶雨輕斜含風細嫩綺鈴閣兮電旆揚護繡櫳兮雲旗建
莫不莽宿苔蘊霜彫雪頓委秋草以萋萋抱靈根而悶悶
而茲韜英和緒揭麗垂條明秋瑟瑟逸致迢迢望下苑兮
爭上翹嘉本擢兮細葉飄歲將闌兮霜月起來冠蓋兮葆
羽搖車馳朱幃脰鞠金杓門無絕客賞不虛朝是知榮枯

無定通塞不齊成兮虧所倚剝兮復之倪無揄揚者委之
草莽當沈晦者辱在塗泥藟以秋而顛采楊以枯而生稊斯
花也發於扶欄之右采翠之西疑將以蘊涵乎秋實角勝
乎春萋然而符瑞毋侈陳也芳暉宜愛惜也左右弗先揚
也風塵祇自適也否泰非所知榮枯不以易松柏有性而
不移芝草無根而細穉運天地之生成靡吾身之跼蹐明
德唯馨此維與宅

擬李忠定公荔支賦

以百果退避孰敢爭股為韻

并序

果之有荔支猶花之有牡丹也牡丹為花中第一荔支為
果中第一色香味冠絕一時余曩見張曲江有賦體物瀏

亮而未盡厥觀爰推尋原委續而為之賦其詞曰

維嘉實之芬芳得土膏之潤澤資橐籥於天工偉栽培於地脈潤結瓊漿珍滋玉液收果實之三千溯由旬之五百鼎毬簇簇敷絳幘於芳林郵遞迢迢笑紅塵於古驛此乃百果之珍入荔支為上格其色則紅玉低垂赤瑛斜輝受氣日精稟權離火鑄瓊珞為丹漿雕珊瑚為紫朵斷斷若齒捫之幾欲起稜作作有芒懸矣豈如橐籥信海上之奇觀實閩中之佳果斯時也火齊無所耀其精木難靡能數其顯其香則氣發氤氲津生沆瀣樹密陰圓毬拋影碎常撲鼻其若流每襲人而可愛無有乎爾風乍送以飄搖如

是我聞雲潛敷而霑霽斯時也氣爽而神清渴消而暑退
其味則疊疊奇珍醇醇別致甘也若飴脆兮若膩浸淫穠
郁脾沁雪以常新醞釀汁漿口垂涎而益嗜依稀浣以薔
薇髣髴伴諸茉莉斯時也朱櫻讓而未遑盧橘因而卻避
包不藉夫菁茅採常盈夫簍簾銜是鳳來剝無鸚喙露染
丹綃霞裁絳縠可以濺齒牙可以資口腹本是粵邦舊種
貢自尉佗非依蔣氏名園生當姑孰豈爭羨夫蒲萄豈擅
名夫橄欖豈伊壺斷而栗零豈伊犁鑽而桃膽不厭品嘗
無妨日噉倘比鸞梅之用苟亦無然如其吞棗之羞則吾
豈敢雲雕日鏤雪澤氷瑩如犀渠之璀璨如虎敵之崢嶸

如醴泉之霏玉屑如甘露之滴金莖盛以銀甌薦以石甕
果看鱗作之而可以為美即使樞名特乃夫孰與爭通於
上國產於遐區離離火色皎皎冰膚屢點猩唇之絳常凝
鶴頂之朱漫天星彩滿地雲腴遠看江綠方紅可作傳家
之寶無數荒亭驛路同來益地之圖

涉江采芙蓉賦以題為韻 學騷體

繫一水之滌泗兮烟浩渺其難涉擘薜荔兮深復深扈江
離兮疊復疊擎碧玉與朱華兮擢紫莖與綠葉張荃壁兮
飾高壇建芳馨兮襲余裸舞翠蓋之婆娑兮綴青錢之點
貼含波氣以欲秋兮承露華而低接契余情其信芳兮無

迎眸而意愜指清波兮遠望羌欲渡兮無杠徒徘徊於綺
檻兮久延攬乎蕉窗緝荷花以為蓋兮駕蘭葉以為艘寧
芳洲之杜若兮劈澧浦之蘭茝風吹衣兮習習石激瀨兮
淙淙葦之兮荷屋繚之兮魚砭荃橈撐兮迴紫浪采菱起
兮舞紅腔盼芙蓉之初日兮杭一葦於長江思君子兮容
與望伊人兮宛在芳菲菲其襲人兮客告余以言采集芙
渠以為裳兮襯蕙綢而成綵盍將把兮瓊芳聊作函兮香
蔕帶膏露兮未晞濕朝霞兮染彩招舟子兮夷猶聽榜人
兮欸乃歲遠舉兮雲中極徘徊兮瀛海袖偃蹇兮芬芳珮
瓊琚兮珠琲信香草之怡情兮願長擷此蓓蕾既踟躕兮

江之澌復徙倚兮水之區覺奇譎其乍擢兮知異蕊之初
敷葉嬋姍而映碧兮衣萃蔡以凝朱流東西其輝映兮毫
左右以縈紆撥波間之鵝眼兮數水面之蜂鬚覺涼痕之
侵袂兮散清影於滿湖乘終朝而竟往兮盈一旬而可娛
咏其華之茁茁兮覩滿載之紅芙乘迴風兮縹緲循歸路
兮惺忪轉復轉兮舟畫鷁歌復歌兮水吟龍識緒風之揚
穎兮瞻落日之銜峯虞妃旣已遠遶兮豐隆偃旆而雲封
解佩褰以珍襲兮馨醑醇其猶濃思遭蘭與沅芷兮吾令
修褰以爲容渡不迷夫桃葉兮香仍戴以紫蓉朝濟兮浴
陽夕歸兮古渡揚晡霜之雲旂吸瓊華於湛露藻何爲兮

聚魚碣何為兮拳鷺探謁車之奇芬兮憐的中之含素雅
姱修之為佳兮信無改乎此度鬱馥郁以凝薰兮忽緯繡
其難布歌采采以言懷兮俯晴波而作賦

日月會壽星賦

以洪範九五福一曰壽為韻

學駢體

偉六符之駢趾兮含文曜於璇宮普受釐於宣室兮兆瑞
象乎鴻濛闢元精之耿耿兮騰紫氣之熊熊星辰之祥及
一世兮還以集乎禔躬日星為而踴躍兮月韜蚌以玲瓏
歲星耀於天市兮調軒宇以延洪時初昏而南門正兮咸
以會乎紫微之宮考逸象於蔡邕兮步天文於何湛占星
度於石甘兮述紀聞於班固戴斗以為車兮乙橫河而

作艦九參闔道而揚旗兮八穀天田而種蔬王良按轡以
循途兮奚仲扶輪而式軌絢_地之祥光兮絕纖雲之黯黯
萃日月之貞明景迴廊而照檻合五緯其呈祥兮統三辰
而受範上若木兮竿三懸鬱儀兮照九夸父逐其如馳兮
羲和揮而恐後立八神八尺而測以土圭兮準四角四中而
定以樞紐躔東井與西婁兮濯扶桑與細柳灼九地之曠
曠兮蟠六螭之蚺蜺蓀復旦之光華兮祈大年以黃耇循
軌步其無差兮照中天而能久陽鑒兮著明圓靈兮映戶
親天漢之迢迢近河鼓些瞻榆樹之芒芒近天庾些桂映輪
而向榮入修吳剛之斧些霓作曲以回旋出聽采鸞之舞

些居左轄右轄參之乎部伍些數生霸生明盈之乎三五
些受陽光於虞谷之泉兮搖金鏡乎廣寒之府既日湛而
月遄兮亦星華而雲簇得南極之老人兮拱紫垣而肅穆
帝星聖哲而文明兮前星黃潤而炳煜依農丈以揚靈兮
拜天官而受福介耄耄之繁禧兮增洪施之爵祿畫北斗
於牡荊兮永宰祝以繡服凡所舍之國皆臻奇齡兮統億
萬靈而覆育資輔相於日御兮虛昂星房集冠裳於月宮
兮朏明朏胸躔無間於東籓西籓兮度弗愆於南陸北陸
璧合兮萬芒光瑩兮四出氣霏霏其帶天兮靈炳炳而洋
溢齊麋壽於彭殤兮紀嘉祥於史佚神龜睢甲而騰波兮

龍魚搖光以映室月駟馳步於太清兮日駒翹首於天一
兼象官象物而各有宜兮駕聚井聚房而遠與軼三階正
而海晏河清兮四序和而風箕雨畢虎賁負銳而前階兮
鈎盾列牙而設戟奎耀文錦之珠璣兮臂秉武廷之節鉞
酌醇醪於酒泉兮建華蓋於天闕占鞠見之敷榮兮倚天
階而煥發內廚進饌而奉卮兮騎官執鞭而參笏鎮星為
土居中央兮宅銀河而出沒曜羅鬱勃於天淵兮望舒激
灑於靈窟會三老於明堂兮對皤皤之黃髮俾千載一時
兮為天地所滂渤觀星紀而知壽星乃鄭野之分兮吾嘗
稽之梓慎曰本壽考之作人兮獻鼇雲於金蚪精素魄以

為搖兮珥黃人以為守占符瑞於月卿兮驗歸神於日岳
九光蔚其榮彪兮八伯頌以紛糾堯則占閏朔於冀階兮
舜則紀星雲於棟牖殷得傳說而瑞應箕兮周遇太公而
星在留問仙齡於王子喬兮鍾人瑞於召公醕洵雨曜之
沉樞兮約三能之映斗連雨幄兮雲油仰

疏凝兮

續黠合大采小采以

命官兮繼

重光

重輪而

誕受該穉舞而耄嬉兮戴

恩高而

德厚效夔陟而皋賡兮祝以

天子萬壽

來降燕乃睟賦

以似曾相學六朝體

識燕歸來為韻

探消息於杏林覽風光於槐市春脈脈以何深雨霏霏其
奚似鶯戴羽而璘玢雉成斑而旂旒懷暮雨於關山盼斜
陽於故里思燕燕兮遲子之來念飛飛兮于誰之止始及
農於雪澤旋綏士於雲蒸鳥發祥而誕降天有命以靈承
儼自無而之有忽由伏而乃興寒食梨花之埭春風柳絮

之滕羽差池而欲試襟荏苒以何曾乃操而入家人內竟
循而行曲水旁年雙雙而俱至堂款款以將翔雨濕簾而
半捲風動箔以徐揚屋銅塗而壁帶梁玉質而金相旣偏
觀而仍索思欲宿而未遑芹半銜乎小渚鷓鴣曾啄夫中唐
自去今自來舍南兮舍北轉復轉兮新柳斜難乎難兮舊
茅蝕涉寒況而苦辛覩敝廬為棲息乃巡乎廬第之家乃
盼乎謝堂之側旃垂廈以欲張波剪簾而旋織爰載築而
載興遂相呼而相識身小坐而輒興目常澄而復眴葦必
藉乎三重圍仍周乎四面黏落絮之飄飄夾飛花之片片
鄰有德而常馨屋不貧而自羨堅壁壘於長城委笙歌於

春讌名特重乎舊周降仍尊以乙燕溯寒光之料峭遲淑
景之芳菲魚藏冰而未負雁出塞以橫飛道懸夫複嶺山
隔乎重圓海遙長而靡涉檣欲上以何依雪冷烏衣之巷
雲封白板之扉問主人其誰是迷公子之于歸趁風和兮
日暖乘路轉兮峰回拔滄溟而遠至挈家室以偕來天遣
賓鴻以為代歲迎朱鳥以為媒目既成而睨睨眉留語以
低徊年年兮天鴈降浩浩兮泰鴻開驗歲功之橐籥知元
氣之胚胎故夏以登夫小正而殷以祀夫高禩

碧桃滿樹賦

以碧桃滿樹紅杏在林為韻
學六朝體

稽表聖之微辭品詩人之妙格境和緒以方新筆韜光而

奇迷離盡致王爾無所殫其精郢人無所騁其智者矣其中則有翠羽金支女瑚珠幌霧縠粘窗冰綃挂幌投公子之釣竿擁鮫人之珊瑚網鰲抃千尋之嶽藐然相破鯨波萬頃之衝與為決漭洵足傲睨十洲光芒萬丈于以張寶鏡於圓靈于以拾瑩珠於象罔于以建霞闕於綵城于以承露盤於仙掌咸見神靈駭矚巨浪奔流瓊蚌宵朗金烏曉浮馮蠓切和於海嶠鷗鴻爭翦乎神州江婁之所震盪川后之所夷猶蜃人之所出舞龍伯之所嬉遊鬻帆擁舳鼉鼓鳴舟雲窗月啟霧閣煙收罩然見波斯連舶結番市於於五城十二樓翼神光於五鳳迴狂倒之萬牛使者曰善

迺登閣苑步蓮萊臨水閣傍瑤臺海人倚裳而獻錦泉客
設宴而持杯猶尚飛雲駕霧喻浪奔雷嵒虎牙以屹兀燃
犀甲以瓊瑰綴魚鬚以璀璨張鳳翼而崔嵬構屋於金樞
之穴建瓴於若木之隈還浮還沒乍澗乍堆登茲樓以四
望疇弗凭欄俯仰倚檻徘徊浩浩乎徹如地裂而豁若天
開

荷花生日賦以六月廿四荷花生長為韻 學文體

有花焉飄飄凌波來自天竺吉日良辰載生載育厥名芙
渠有芬其郁修到幾生降雨遐福毓於菱鄉是日也以桑
弧蓬矢六周子曰蓮花之君子也出之乎淤泥濯之乎冰

帝帶王之英帶仙之骨十里五里香聞醖醑中央土其曰
戊己乃其所生之月盡設供張鋪綺筵集於夫容之闕當
其益藕新添晴漪細挹有如靈均錫庚載輯出水田田因
風習習又如西母冠蓋畢集綽約欲仙芬芳暹襲是謂曼
倩亭亭玉立或俯或仰如扱如拾是謂老萊綵衣拜揖猗
那其華金莖細裛藐姑神人霞餐露吸文物聲名載書百
廿壺公仙子籌添算緝奇花初胎萬寶呈瑞蓄艾為湯煮
蘭為臍誕彌厥月諸福畢致蒲矢為懸瓜棚為置乃逢誕
辰百珍咸備桐乳為菜杏漿為饍衣袂初勝六銖輕試芍
帶為圍荔衫為帔前導旌旗羽儀隨侍日彩為幢雲羅為

幟錦繡高張福自天賜蜂集為衙蝶來為使錫以歌鐘樂
懸面四蛙鼓為官鶯簧為吹言鳥告歡水嬉成肆公鳳為
儀曼龍為戲咸見爵獻金樽簫杯舉也珠傾寶甕盤錯羅
也屋老添鬚眉壽介也房連生子耳孫多也花序雁行聯
棣鄂也錦裁鴛被結枝柯也葵藿傾心懷蘊結也菖蒲頂
禮拜婆娑也門集縉紳排官柳也室聯姻婭施女蘿也華
燭連宵燃金炬也更籌達旦轉銅荷也飛觴酌月開宴坐
花紅攢十丈碧折三叉波涼雨霽檻矮烟斜于溪之曲是
曰若邪于邨之葉是曰九華橋通雀舫北結鷗家匪無後
先殊致長紅難平竹爭勝薛禾別弟兄而齒齊德一時至

花榮日長彌健香遠益清長於未夏感於長贏於是太史
執銅而書曰某月某日某時生遊其葉貼其莖有華氏字
之苗舊肇錫以嘉名維時月姊殷勤而下待風姨繾綣以
前陳雲母周遮而護彩雨師點染以清塵花團錦簇福佑
天申託乘蓮者咸祝以莊椿萬六千歲為秋為春儼然後
百花二月十五日為生辰

紅葉賦以霜葉紅于二月花為韻 學徐庾宮體

寒光一望色蒼蒼野客傳驂暮景涼滿屋狂花堆曉砌半
床落葉夾飛霜時則鴻印泥深隼盤風獵青脫木而下垂
紫凝山而低接梧桐秋色寒橘柚暮烟疊滿潭明月映蘆

院一徑西風吹柳葉有霞階赤無樹不紅低迷含夕照掩
映落晴虹氣迫金商動光生火色烘誰將蜀錦分明布卻
似唐花醞釀工一庭霜飈滿樹雲鋪綰柔情於杜若牽芳
緒於軒于砂明點絳露滴團朱水拍長江楓葉老寒侵矮
岸蓼花扶雁來彌覺紅增勝一道花名笑矣手壓簡子於
秋紅疊長卿之晚翠夕陽疎柳路三千殘月曉風關百二
板橋人跡稀寒艸勁風試低徊孤鶩落霞天點染錦城春
樹地天留桃洞到人間不待鼓花催臘羯蕭蕭驛路亭
瑟關山月火樹列千尋琪花雕萬笏回看古寺朵雲生
動豐山鳴未歇寒吹簞簟冷迫蒹葭烟光一抹嶺路三义

落木清霜餘老雁樵雲曲徑閃寒鴉天然畫作光明錦勝似洛陽一縣花

漁火賦以一星幽火照叉魚為韻 學四言鮑體

秋浦西風錦江斜日暮靄迢迢晴波瑟瑟冷逼蟹天寒侵
鮫室水激篙三舟橫葦一人語宵涼櫓聲夜汨幾點漁燈
飄然遠出徘徊曲港掩映荒汀沙眠白鷺徑閃流螢天邊
落月水上殘星船歸衡浦秋老洞庭一聲欸乃片影瓏玲
舶來蛋子又下魚丁鯨波正活鷗夢剛醒溪雲堆黑篝火
含青桃葉為渡木蘭為舟鴻波水折雁渚波流銀缸影閃
竹笛聲柔魚天不夜鷗舍皆秋櫓歌上下櫓影沉浮疑明

疑滅似去似留帆隨湘轉火傍宵幽古渡人來斷橋雲銷
漁子推篷榜人鼓柁破網星留絲葉烟繚三尺鱸魚半江
秋火燦爛洲邊迷離道左夜語呢喃宵行燿燿岸闊波平
沙明月照蘭燭新然萍石獨釣清漏聲遲江船水掉一點
寒鐙孤懸海嶠數聲蟹簍萬葦人家機隨鷗鷺市鬧魚蝦
橫窗銅曲貫月浮槎珠懸一舸波折三叉蘆花隱約楓樹
橫斜瀟湘之曲洛浦之涯霜寒水虛秋風夜漁江流聲急
鐙閃影疎珊瑚之網黃帛之魚西巖宿處南浦歸初更長
漏永帆挂風賒江干獨步四顧躊躇

搔經堂類藁卷第六

籍經堂類彙卷第七

晉江陳慶鏞頌南撰

賦律體

太學創置石經賦

似題為韻
有序

謹案後漢書儒林傳載熹平四年靈帝詔諸儒正定五經
刻于石碑為古文篆隸三體以相叅檢陽衡之洛陽伽藍
記則言漢有三體字石經表裏刻之皆蔡邕遺跡晉書衛
恆傳後魏書江式傳及酈道元水經注並言魏石經亦然
乃趙明誠金石錄洪适隸釋謂魏用三體漢止一體而詆
後漢書為誤竊謂宋以後文人未見真刻意度之言本不

足據陽衛諸人得之目覩蓋不誣也敬依後漢書所言而作賦曰

東洛城邊西雍橋外綠字蟠螭青珉飾貝文翻漆簡判然三體之殊學證緇林統為羣言之會正義則其說不刊傳經則厥功咸賴大哉聖人之道炳若日星倬彼國學之碑屹如嵩太昔者炎漢肇興典型淵邈詩書易象多別風淮雨之清禮樂春秋盡亥豕魯魚之駁中郎于是憑楷模事鐫琢考古詳明摛文揚榘馬日碑則學擅淹通棠谿典則才高卓犖單颺韓說合叅校畫之精楊賜張馴同仰臨摹之確關玉宇以興賢集琳宮而勸學懿夫經之為書也文

典謨義學史詳日月之文書及蟲魚之狀曲臺四
十九記道著綱常高堂一十七篇儀昭揖讓異同互證作
者聖而述者明表裏皆書道則因而事則創卻向春龔日
麗樓就丹文并將夏楚威收談開絳帳爾乃依石室以立
經鑒蘭臺而勒記書編烏烏之譌篆辨蠹載之異鴻艾矧
猶之借體有殊文樞蔭貫宦之通理歸一致傳嚴顏施孟
之家析蒼戴盍毛之義想得宮牆蔚起二千餘人悉附景
從誕觀碑板書成四十六枚盡供位置篆書青嶽空字
赤松檜生庭琳瑯滿壁成文則虎踞龍拏考典則蟲書鳥
跡接牆羹而如見礪柯排籤屹盤鼎以常新岩堯立石字

溯堯碑禹碣畫為鐵而鈎為銀經藏夏序周庠方成墀而
圓成碣至若有魏正始文踵漢廷定規模于舊典追作述
于先型考嵇紹書知叔夏寫成之迹援江式倂證邯鄲摹
刻之形晉時祭酒命官修明表奏唐代太和興學正定增
經要皆銅圖駁翠石墨皴青禮在瞽而書在庠拜肅陳夫
庚子左列圖而右列史部盡括乎丙丁然而釐序雖隆羽
儀未附維

聖朝黼黻之庠際經學昌明之遇

頒古字于左膠右塾捐寶硬黃

定舊編于八索九邱揮毫濡素字端筆正秦碑之墨跡如

新人傑地靈魯殿之遺文永護書萬本誦萬編繼辟雍貢
鼓之章

闕四門

達四聰奏獵碣岐陽之賦

漢宣帝詔諸儒講五經同異賦以石渠閣諸儒講五經為
韻

漢未央殿北石渠藏諸子一百八十九家括六藝三千百
廿三冊篆古書青文斑字赤闕卿孌之福地鼓吹五經羅
宛委之名山笙簧六籍待商讎校頒綸特下尺一書誰與
計偕奉使先徵二千石宣帝甘露之三年下明詔備蒲車

量才以尺建士以旗選高能為供奉本經訓為蕃會天豈
神姿通孝經與魯詩論語臚傳溫旨飭黃門與給事尚書
愈當年受學馭中翁稟經是式瞻此閭建成蕭丞相礪石
為渠斯時也多士蟬聯羣賢雀躍蕭太傅執耳文壇施長
卿建牙高閣梁邱臨講易王吉獨贊其辭張山拊授書假
倉並叅其作韋元成傳詩說之精劉子政得穀梁之博次
君臺記題辭通漢禮經輯略周堪孔霸並與聽宣廣德林
尊共隨參酌膺其選者固不獨山陽張氏數典鏗鏘千乘
地餘引經鑿鑿其同則伏張合轍施孟連裾唐褚並宗許
氏嚴顏秉之仲舒其異則轅固申培分蹊徑兒寬安國別

而居雖蓋善公羊而榮廣數困其說王式援曲禮而江翁
議其疏破邱蓋之疑詞其信然者斥茲滋之讐語容或
有諸然而去其糟粕剪其繁蕪究聲詰於儀俄亨享廣訓
行於梁趙魯鄒春秋傳何以絀赤申高竟同孤守易禮解
何以尊楊及后未免向隅和伯專家何以廣謏聞之益信
都名宿何以無絕學之扶梁邱賀卦氣旁通乃繼孟施兩
易歐陽生今文祕授更增建勝二儒其中穀梁傳自衛太
子命儒臣添進譚義美魯人之菴于紅詞荆楚子之宮于
珙故承七葉以踐基即內五家為投銛蔡千秋語擅探驪
尹更始疑昭剖蚌史高與韋賢合贊義炳日星王亥偕丁

姓同科派通潢港卅餘事允若梁眉十一人羣深望項母
得泥胡母生專學徒肆扣槃其弗尊穀梁俶大師有如懸
梓皓星周慶徵言用廣發揮申輓伊推羣議徒滋僂僂厥
後元帝傳心孝平御宇謂京氏易條例獨精謂毛詩故訓
詞皆古謂明堂禮頗慮散遺謂淹中篇宜加纂組因而博
士員增學官缺補立左氏史於瞽宗置古文書於祕府凡
此琅函寶笈累萬盈千皆承天祿建章成三登五
皇上右文稽古崇道尊經獵碣則成均築列

講帷則學士環聽

闡七十子宗旨要辭文祛魚虎

繹三萬言易爻大義字辨約罷士也探書北壁習禮魯庭
鸞按抄文羣樂乎離經辨志

鳳池正字毋清乎指事象形

漢章帝詔諸儒講五經同異賦以白虎殿諸儒講五經為
韻

漢出北宮臨西掖有殿焉藏未見書而以白虎為額丞相
商嘗設以宴朝杜子夏曾因而對策章帝建初四年會羣
儒陳秘冊徵蒲輪設講席千戚豆籩之屬習舞而趨蹌縉
緝紳冠帶之倫鈎稽而採索書搜金匱名藏人滿玉堂嘉
客載笈函二千餘兩語下雌黃述經說百數萬言論祛堅

白雉時十有一月壬戌大啟明堂廣搜故府問道乎崆峒
觀書乎岫嶠訪人間秘典紛陳小酉之編萃天下名儒咸
聽大昕之鼓下龍樓而授講士羨乎登龍揚虎觀以承庥
才覩夫鱗虎是役也帳設講庭筵開秘院傳首倡者魯陽
侯鴻綜羣言者廣平王羨太常樓望獨表儒宗少府成封
端推碩彥賈景伯左氏探微李元春公羊稱善楊終以表
請鼓篴而颺言班固以受書敷辭而論纂承制則魏君伯
董其成贊論則淳于恭博其見明經若桓郁共圍太液之
池博學如魯恭特召未央之殿蓋念夫漢初授室帝始下
十師儒為選圖籍用儲溯甘露之隆儀太傅望之平其奏

念永平之盛業校尉樊條上其書易則孟京並分嫡派書
則建勝同署部居齊詩韓詩闡微言而益顯大戴小戴廣
絕學而非虛稽奧旨於嚴顏高矣美矣標新辭於左穀說
諸研諸然而立學官者十四士習章句者三萬徒書歐禮
后詩魯易瞿孔氏古文塗惲傳而弗廣毛公故訓曼卿守
而益孤陳元好左氏春秋師承卒鮮周慶為穀梁博士缺
補竟無語鑿鑿是言人人殊此辨異統同爰踵石渠故事
而扶微繼絕猶追建武諸儒也肅宗乃併諸經立都講以
禮義為蓄畬以詩書為耒耨毋使亨莠孤學抱缺守殘毋
使榮枯舊經絕潢斷港守杜林叅書一卷文復存蝌獮左

氏精論卅條義如剖蚌鍼膏起廢同聆泮水之鐘振賸啟
濛爰作雲門之棒入慕閣者咸拜孔而揖顏赴蘭臺者羣
學睞而師項是歲甘露降於泉陵洮陽文風溢乎青齊東
魯高才生並給講郎古文學兼資訓詁召馴張酺入講禁
帷鮑昱桓虞用登朝輔解經連奪五十席才擬戴憑教授
動傾千餘人師尊杜撫論祛異說闡奧義於文萬旨千業
擅專門紹芳型於老三更五

聖天子經筵宏化黌序式型義探淵海詞炳日星
講幄則樽浮蟻白

臨雍則筆載磨青彬彬遵許鄭之傳人爭立說濟濟接匡

劉之席士盡橫經

駕章三雍鳧藻與鸞旗映水

詔開四庫金函共玉篋充庭

八月其穫以題為韻有序

幽風氣候與月令不同月令季秋嘗稻鄭云稻始熟幽言
十月穫稻蓋幽地在雍州岐山之北原隰之野其地較寒
故穀熟稍遲然則穫稻當在十月而此云八月其穫前後
互異其何以說攷毛傳穫可穫也鄭箋穫禾也可穫則猶
未穫句正與秀萸隕籜同鄭明知穫非刈穫之穫故直訓
禾而又總申之曰四者皆指物成而將寒之候則其穫者

急事辭也謹發其意而作賦曰

繡隴雲連芳塍露滑九穗祥開雙歧秀茁莖綴碧而珠垂
穗抽紅而玉夏日下雉田之頃臺笠叢叢風斜犢徑之蹤
簞車軋軋秋之為言犂也耨成獨慶農三禾有取乎穫焉
大熟先徵月八厥初覩土春融沃膏夏勃鋤雨耕雲披星
戴月人襍襖以趨勤耦耰鋤而奮發萬頃平疇之外吠蛤
頻聞一聲春水之間鳴鳩乍歇兆未徵於牧夢敢希有幹
有年吉初告夫農祥聊試一耕一墾未幾暮收節秉南呂
銅吹零露溥今蓼彼秋風起今淒其穎含霧重采飽烟滋
滿陌則香浮穠粒平川則水界琉璃年年遷雁鳴蟬鼓亦

既熟處處斲壺剝棗秋以為期莖節為禾政未觀夫納穗
納秸在野曰稼積先慶夫如京如坻而幽民則皇然曰嘉
寶已成也三時已具也旗旒已微也輶輶已裕也未登也
而以為乃登可獲也而先曰其獲猶之乃瓜者急瓜之辭
見韭者祭韭之故瞿瞿乎擔荷頻興捭捭乎腰鎌齊赴秉
有遺而穗有滯啄餘之鸚粒含風比如櫛而崇如墉堆上
之雁糴積露

皇上崇實是求

勸農為務納禾而民力普存

觀稼而人心胥附

薦熟與

薦新並舉雪膏映夫銀匙

省耕與

省斂齊陳風時馴夫

玉輅所以嘉禾降瑞知依重七月之章

壽寓延洪祝

報頌九如之賦

授衣賦

以九月肅霜禦寒有具為韻

序屬秋三時逢月九向瑾北窗星寒西斗占冷落於村莊
驗和寒於戶牖空山木落袂動飄飄平野霜明屢興糾糾

三益之手竊見北陸沍寒西風飄發林映月以吟猿野平
霜而飛鵬陰始凝也村村納稼築場敝改為兮處處絰鉞
補闕天子用白駱白玉裘始獻鴈野夫服黃衣黃冠鼓將
催羯風動乎松楸薪儲夫楫拙非必絲衣載弁祭致靈星
可無曲袷應規形脩偃月於焉開諸篋箱均此邦族偕子
婦以授功命丁男而計幅材取乎山繭野蠶精謝夫吳綾
楚縠衣為依而裳為障如此弊者三渚言倨而衽言褻豈
曰無衣六藏之在笥僉云可以禦冬文以章身毋謂不稱
其服用以備寒威用以待嚴肅維時涼淒白露冷逼青霜

司服獻功瞻藻火山龍而有耀綴衣告備繪星辰日月而
成章袞服則黑黃交備黼衣則青赤載揚五絨有歌恰稱
大夫之服七裏載績堪為公子之裳相彼小民入此室處
聽絡緯之蕭蕭覩衣裳之黼黼倘荒於績一夫或受之寒
薄送我衣百姓爰得其所襟袷而直衿幅平分八口之
家禪襦襜而複襖袷恰備三冬之禦庶幾用足絲麻軸成
機杼過此以往感發風寒念單衣之莫禦傷短褐之不完
故未雨綢繆執筭執筐而謀亟先時圖度采蘋采職而心
殫飭之乎蠶事戒之乎婦官農事既成卽勗授衣之政女
功克歲同懷挾纊之歡從此鼓蜡吹豳祈年酌酒躋彼公

堂燕及朋友捉襟可免滿看郭屋春生見肘無虞常覺笑
簷曝負鵝有結而弗庸鵝在梁其翼有服之無數豈曰弗
曳弗婁襦有衣初爾其曷潞曷否

皇上惠澤時深仁恩遠布知稼穡之維艱信蠶桑之是務
服升

龍衮不忘

盱食宵衣

貢卻雉裘猶尚

卹氏蠲賦

帡幪悉戴乎

洪慈衣被咸叨夫

帝額經車緯架常看黼黻為榮春凍夏綠咸見藻華有具
棠桃賦以煮桃以為豆實也為韻

考小正之遺編記火中于徂暑潔進蘭修肴供桂醕候別
於采職采芸功殊於釀秬釀秬料選櫻廚甘調筍俎每值
赤廩關矩配豉初幽卻過藍蓼君荀羞桃試煮桃也者以
為地桃也培英野岸濯色江皋向山頭而露綴敷谷口以
雲韜紅景綠陰豈處厚之吟詩起草丹雘紫萼江文通之
作頌拈毫作於饋食之丘曰膳之登原並棄至於日至之
時皆熟矣實亦如桃爾其煮之也石鼎香浮金甕沸起達

蓬如釜上氣撥火浮初灼灼本洞前華調冰配始澣說留
牙嘗思染指想韓客調羹妙手鹽梅之況味猶存看劍郎
得意春風杏柳之芳暉尚邇和以醪醕之酒夫固其然薰
以鞣韜之珍亦良有以是熬是沃如醴如飴金鞍一簇瓔
珞千絲榷豈輸夫特乃香亦勝乎來其溯肯因簇錦園中
何彼穠矣看此際跳珠鼎上于以湘之桂性含辛合作和
盤之託榆湯滾未知無絕火之為想其玉豉調成金鹽釀
就味壓饅餽香逾釘餠珠九顆顆三千年果實都佳火齊
離離廿一品珍羞獨侑咏幽風烹葵及菽氣味常新考戴
禮嘗蔬與雞風光異候種殊曰楔曰旄香薦于登于豆于

以實嘉肴于以當鬱律于以團蠟珠于以釀崖蜜赤瑛墜
粉從教乙鼎烹來紅玉敬簪借向辛盤捧出味調乎菠苺
芝栢菹配乎鱸黃榛栗溪南撥雪記參米糲蘭湯竈北熬
波不數苓糕棗實是知鬻煮殊文梳杷轉假灌茶內蒜用
亦合乎桃諸榮莖采繁香猶聞夫杜若薔薇架外一籃之
紅雪頻添薛荔牆邊半畝之綠雲倒瀉薦以澗溪沼沚重
其然乎作為糗餌粉養必有合也

唐棣之華賦以豈不爾思室是遠而為韻 有序

唐棣卽常棣實一物爾雅唐棣移常棣棣說文移棠棣也
棣白棣也改唐為棠改常為白以棠對白則移為赤棣棣

為白棣毛公訓從爾雅召南傳唐棣移也小雅傳常棣棣也而秦風傳則曰棣唐棣也孔氏論語解亦曰唐棣棣也則唐棣亦稱棣韓詩序夫移燕兄弟也藝文類聚引三家詩夫移之華萼不煒煒直以常棣為夫移則常棣亦稱移蓋唐常二字同音相假渾言之通稱棣別言之赤者為移白者為棣而錯言之則棣亦可稱移移亦可稱棣也呂忱字林曰棣移也亦棣移通稱之證陸佃埤雅唐棣常棣分條唐棣據陸璣草木蟲魚疏名奧李其華或赤或白六月中熟如李子可食常棣如李而小子如櫻桃正白然於唐棣條所自引華品序洛陽有紅郁李之類則郁李專指赤

言是赤為栒白為棣也爾雅邢疏於唐棣引召南於常棣引小雅常棣作棠棣引許曰白棣樹也又有赤棣樹亦似白棣葉如刺榆葉而圓子正赤如郁李五月始熟則常棣亦稱棠棣要之赤白互稱一類而錯舉耳棣善搖微風輒動故曰唐棣之華偏其反而反者反經合道古論語注合上可與權為一章而詩常棣閔管蔡亦言周公行權志在常棣觀此益見唐棣之卽為常棣無疑矣爰辨其物并考及作詩之旨而為之賦曰

維魯論之言思得逸詩之咏卉萼麗輝聯花烘色煒秀發蒙莢情含斐疊桐渥蔭以承恩藿輸忱而篤槩人當抱蜀

逸思迢迢天乃錫唐芳姿韡韡似有懷而欲白結花萼於
友于非不食而空懸歎匏瓜夫吾豈原夫唐棣之為生也
葉本似榆花真類鬱含小雨以輕滋對微風而細拂種向
薔薇塢畔色閃編欄敷當薜荔牆邊香生必第爾雅統歸
為棣語本分明說文別作曰棠辭微髣髴可有離人之感
贈並重乎文無將毋好我之思華相看夫鄂不爰攷陸璣
厥名與李含鶯果以齊珍偕崔梅而著美山中皆有華林
園花植猶存車下為名宣室閣銘詞可紀與曰郁亦曰爵
轉訓相通唐為棠又為常諧聲並指往往開逢旭旦懷我
友以邛須依依舞向春風詠維常於彼爾韓詩內傳是曰

夫移扶亦為蒲詩存兄弟之燕鄂原通萼說見魯齊之遺
師古山桃合證崔豹移柳同辭指似白楊郭景純說當刊
誤知為赤棣許祭酒理可旁推維勞人兮草草每候子兮
遲遲興桃李於春期何彼穠矣賦蒹葭於秋水不可方思
蓋夫移卽棣之稱與李乃移之匹棣移一類而兩分赤白
異名而同實棣从東萼相束以聯芳移从移根屢移而得
吉棣仁也於此尚親移義也於此昭秩秩棣上承下覆
其華注分以是聯移先開後合其葉幡權以是出細別之
雖殊條通觀之無異質故常棣以廣兄弟之睦鼓瑟鼓琴
而唐棣以美夫婦之和宜家宜室無如寄託遙深興懷靡

已捐嘉植之芬芳念奇花之旖旎非不庀此江離非不夢
茲沅芷非不采蕭致咏我思古人非不贈芍論交言念君
子非不寄懷芳草永結綢繆非不努力春華長留綺靡棣
棣不可選夫物則亦有然裳裳維其章凡觀皆作如是子
於是示遐思窮奧聞致纏繇通繼繇草何為而報暉荃何
為而申悃葵抱智而心專桃含仁而意懇愛身如愛物彌
惜芳菲思道卽思人咸臻萃尊抒芳情之脈脈聊以寫我
心指嘉樹之蒼蒼盍亦反其本棣者通也志尚乎通亨庶
者廣歟義資夫廣遠夫惟花滋穠郁秀挺歲蕤美羨乎一
樹二萼瑞占乎同氣連枝以況可與權秦風山有苞比其

事載觀翩然反竹林泌之戰借其詞緣情託物觸類興時
載致周公行權作常棣是其所以乃爰思孔子論學歌唐
棣曷為或言而

濠上觀魚賦以潛雖伏矣亦孔之昭為韻

偉南華之奧窔託秋水為鍼砭結鷗波而遠矚延蜃市以
遐瞻飄然意得偶爾興添泛杭於濮水之濱嘉魚鱗鱗散
步乎濠梁之上小語詹詹弗結網以臨淵敢云因籒成斷
非積柴而置水徒取以櫟曰潛昔者莊子與惠子濠河上
循水湄騁懷共適攜手相隨浩瀚有同源之契沖蘆多沙
解之詞小德川流不化而仍觀化於牧魚躍能知其所以

知喻齊物於蠓鼃水能生鼈參演文於蜥蜴蟲亦名雖則
見赤鯉乘遊青魴細簇鰕魷沿瀨以出泉鱸鯊汎符而浮
濮鯢亦名兒鮪原稱叔藻碧波翻萍青浪感或潛于渚幾
同莊化蝶而蝶化莊載觀于淵渾似穀亡羊而羊亡穀出
辛池而傳沫載沈載浮依丙穴以揚鬣旋起旋伏然而魚
非惠何以知縱目之寬也惠非魚何以知遊鱗之止也鵬
吾鳥知其搏九萬程也鵠吾鳥知其橫數千里也水非水
孰測其源魚能魚孰喻其旨柳非貫夫鱣鯨罟母羅夫鯉
鯉是自其所以乃丞彼淖淵莫名其所能然鑒諸止水牛
蹄之涔弗恤芴乎芒乎無有象乎鯢桓之窟為淵嘉矣旨

矣維其時矣莊子於是蹶然而嬉瞿然而憚如託跡乎鱣
鄉如結鄰乎魚宅如涉江湖之樂唯鱣唯魴如乘汙汙之
流有黃有帛如縱之乎巨壑結浩志於波臣如躐之乎顯
蒼契壯遊於河伯其釣莫釣術嗤楚國蒲且以恬養恬跡
異雍門椒亦告謂惠子曰魚化之機也淵匯之總也亭育
生生也滄溟洞洞也浩蕩不繫舟也激明脫底桶也趣涉
波濤象窺濛濛魚樂卽吾樂固已昭昭子知非我知何猶
惜惜吾與子若長罾之隨駟蛰道於魚猶醢難之與蟻蠊
淵乎其淵動而無動餌收五十牂毋來釣鯉之任波躍卅
六鱗豈假秦龍之董我故知之濠上每從渭水逢姜爾其

問諸水濱盍亦呂梁學孔遂乃情酣意愜氣動神嬉悟真
詮之橐籥昭至理之蕃滋浪搖青而掉鰓渚噴白以捷鱗
其魚維何獨樂能與眾樂我聞如是無為故常有為來撥
刺之六腮濤驚向若凌汪洋之萬頃字結成之迄於今江
干憑眺河上逍遙烟波浩渺逸興清超指娟娟之曲籟觀
濺濺之輕條出清榛去濁榛時見沔陽之鱖從西海遊東
海猶來萑水之鱖參透非非是是乘諸暮暮朝朝得而忘
筌樂尋顏之與孔游而出聽琴辨曠之與昭

高岡鳴鳳賦以鳳凰鳴矣于彼高岡為韻

超超乎冠羽毛三百屬而為蟲搏扶搖九萬程而直壯朝

乎丹穴之山噉乎紫霄之洞鳴於嶰谷自判陰陽集於羽
琤相為伯仲絢靈姿之五采鏡舞青鸞調大樂之七鈞岡
鳴丹鳳爾其契符雒水鳴向朝陽表儀容之裔裔調逸韻
之鏘鏘九苞著美六德呈祥衣振乎儀之千登泰山而小
天下儀來於世者二由大舜以至文王瑞應火精翼象麟
而領象燕天生神鳥雄曰鳳而雌曰凰其岡則凌絕頂薄
太清託閭風而遠接亘蘭綺以斜橫天門為闕阿閣為營
嬉嬉賀世而來忽然朝砥柱暮風穴翾翾從天而降倏爾
北幽昌南焦明載仁而處抱義而行盤之中唯子之宮於
止知其所止鳳以畜故鳥不獮善鳴而假之鳴第覺聲應

磬簫韻符宮徵洪若夔典之奏笙鏞聳若皋謨之賡喜起
揚若天雞之唱桃都抑若元鶴之舞郊時其樂縵縵若陽
伯之詠林離厥聲喤喤若伶倫之詳黍稷小音金而大音
鼓堂哉皇哉陟在巘而降在原高矣美矣厥食璫花琪樹
厥居碧落瓊都朝餐翠竹夕止蒼梧遊之乎西海運之乎
南禺出則撞黃鐘樂其可知也天以為木鐸文不在茲乎
非竹非絲我乃聞之節節足足獨來獨往爾偏唱之喁喁
于于固知授璽王庭銜書闕里拔蒙山濯弱水鶴顧豐鶴
腮美虎背斑龍文綺天老稱曰鳳知凡鳥不敢題古文以
為朋率羣飛而來止驚鳴嶽以譙呼鵬拔溟而峻起燕雀

安知鷹鷂昌擬白羽與朱羽繇象自著其祥而大山為小山宮岡爰歌夫陟彼且夫噍喑非凡響也苞彩非凡毛也洪井紫庭非凡境也羽衣霓曲非凡曹也甘露醴泉不時有也芝房寶鼎不常遭也精由誠感福自天叨合兩漢百三十九書傳訛傳信去九疑一萬八千里或者或翔雄鳴嶋鳴統開夫大不撝小不窺太室少室奚止夫彼高陵前高旄蓋其得天也厚所以自命者高

皇上樂懸韶護講奏咸章儀肅鸛班鷺序吉占鴻紫鸞翔鼓吹

九重聲和簫管鋪揚

一德韻協宮商見則天下文明覽輝而至出為

盛時嘉瑞卜世其昌青鳥以為司考說文雄原名鷗翠微
未及上稽爾雅脊亦曰岡

寒夜聞霜鐘賦以豐山九鐘霜降則鳴為韻

雨霽夜鑄河鼓天通風寒澤浹月鎖朦朧發清音於巖樾
振逸韻於崆峒適從何來此曲祇應天上莫知其響尋聲
只在中窮玄步於西東經原訂益問辰躔於伏見鐘恰
聞豐爾其層巒劣削疊嶂迴環雪封蘚徑雲護松關鳥在
林而語靜鹿歸洞以步閒平地一聲忽到深宵之候華鐘
九乳別來峻嶺之彎夜如何其夜未央聲通平旦歲既單

矣歲云暮寒落空山當其淑氣昭融風光和厚徑闢三三
峯迴九九宣茂豫於林中斂噌吰於隴口合天地為洪爐
烹陰陽為氣母息以天籟其誰應之刁刁乎調調乎四無
人聲則未知其熊熊否愷愷否忽焉嚴霜結零露濃凌陰
泣寒氣銜清聞上界響出高峯抗如高岡之鳴鳳墜如幽
壑之吟龍遲如出花之清漏疾如擊水之孤舂隔層巖兮
韉鞞來遠岫兮從容適駿厥聲廣莫設鈞天之奏卓彼先
覺鯨山聞半夜之鐘獨不見嶺銜落日樹凍新霜歸鴻向
晚老鶴驚涼風以動之忽作山鳴谷應陰始凝也剛逢露
白葭蒼其南鑄樂皆南陳鏗以立號宅朔方平在朔易歲

以為常唯鐘也應候則鳴唯霜也因時而降覺世懦頑鍼
人愚蠢年年水涸澤堅處處街傳市闕歌來二肆鏐儼鑄
乎曾侯驚起一鳴堵宛懸夫魏絳樹宿寒鴉山藏宛虹寺
何處而依松船有聲而繫戣脂者膏者以為筍樂出太虛
鼓之舞之之謂神人驚窮巷乃知韻協元音奮昭至德九
耳異其形兩樂殊其式絕似牛鳴石窳實大聲宏非闕鹿
鑄林鐘文雕篆刻衆山皆響不圖為樂至於斯空谷傳聲
乃應乎天以為則蓋惟機乘素籥理寓行生法陰陽以為
律偕巽兌以司衡山者宣歟鑰開而宇闕鐘者動也時至
則氣盈樂由天作雷自地鳴徒鼓鐘謂之修音直隨夫警

鵝以制器尚其象韻輒擬乎鏗鯨

瓦鐵為舫賦以日照晴虹風吹細雨為韻

稽任昉之遺書得紀聞之異述山九視以巍峩水滄洲而
浮涵渠名流永懸澗洑之飛泉地近縉雲接博桑之浴日
其器尚陶匏瓦缶用以合成厥貢惟鏐鐵鏤銀因而鑄出
蓋其地絕天通流湍水漂檣作楫以難杭松為舟而莫掉
乃製為器泥在鈞而金在鎔爰通之行澤乘櫓而山乘輶
三日三夜無絕火天地為爐兩山兩澗必有川日月所照
其瓦則黃泥煨就赤埴陶成瓶垂麟而璀璨甄有鹿以崢
嶸製自越窯檣上之鴛鴦細疊鍊從徐土船頭之鵝鵲頻

橫自來自去宜雨宜晴海日三神山忽湧黃桴土鼓側尊
一瓦甌雅依方丈蓬瀛其鐵則斑疑含雀氣欲吐虹點蕤
賓而踴躍攬如意以玲瓏用汝作舟製成夫舸大舸艤小
艇洞若觀火躍出乎凸牡銅凹牝銅鷺鷥光澤鵠鵠色烘
掩映瑤花琪樹交加貝闕珠宮瓦注金注水融乳融芻飛
夫艚舳舳架夫艚舳鱗鱗鶯瓦鹿執真能破浪片片銅牆
鐵壁實欲凌風亦汎其流合至陶邱以北不知所屆曰都
禺鑊之東能收能發不側不欹擁番蚪之翠甌卓靈鵠之
金支適從何來曾經陶復陶穴亦祇以異瞥見躍雄躍雌
如同印印然鬲津水曲是有錚錚者金竭渠醜一架飛廬

陶侃空勞甕運幾層重屋伶倫誤作銅吹匪石體之粗疎
匪金船之靡麗匪鳳舸之蔚而奇匪螺舟之約而細入此
室處幾使飯土鋤吸土劍譬彼舟流可無深水砂淺水揭
庶人乘桴而浮君子用船以濟是知浪激飛雲濤懸溜雨
作舟以行水金石不沉掘地而為泉球鏤細鼓風動銀橈
波搖牙櫓石繩繫檣瞰釜山九十九流寶筏渡人壓鐵勒
一十一部仰

甄陶而為式紅甕何必定州遵
錫貢而來朝黑礦遠探荆土

數點梅花天地心賦以題為韻

之先更難窺其形迹豈知為息為消曰靜曰動理各順其
樞機道無虞其慳懔本一氣之相摩實兩儀之是總不養
則或卽於乖違能養乃得受其帡幪故泰交協地天之義
易本宗周而智仁肖山水之藏言應溯孔胡為隨斯世以
轉移任私心而馳騁知進而不知退徒觸羝藩能屈而不
能伸直同鮒井亦思動為靜之設施靜固動之綱領天常
運以簡易之機人當順其盈虛之境霜始降而鐘鳴風未
喧而浪靜維行生之妙莫不感其氣機况存察之功而可
懈其脩省所以君子法運轉之無窮知循環之相互養性
以適其天養恬以涵其趣有養日必有養夜得其所宗或

養陰而或養陽全其所賦動必以正志弗涉於紛馳靜而
有常性非等於膠固時行時止亨困咸聽於彼蒼何慮何
思藏脩祇敦夫吾素我

皇上凝和闡繹

建極斟元

數懿訓於乾圖坤策

演微言於月窟天根本并養而不窮其源浩浩以直養而
無害成性存存天道猶弓張一闔一闢昭其順黃鐘為律
本六陰六陽作之門

諫筭賦以苦而有味如忠諫然為韻 有序

月密齊東野語載放翁嗜苦筍賦云苦而有味如忠諫之
可活國世因以諫筍目之或謂翁生長江南里人喜食苦
筍取而嘗之味苦不可食遂屏弗設及來黔中見萌於土
中寸許人爭掘之甘如密蔗出土尺餘味猶甘苦相半翁
所食乃取其甘非取其苦然翁詩明言我見魏徵殊嫵媚
約束兒童勿多取自是以苦得名故稱諫今因述而賦之
其詞曰

鹿角垂芳貓頭著譜素問竹安丹枕葵吐果都稱諫爰來
謗木之張筍亦隨班獨効袞衣之補稽異饌於櫻廚別芳
名於菜圃未嘗學問莫知薺甘苟裨國家誰謂荼苦則有

陸放翁者情殷諫諍志切箴規趣甘淡泊品尚清奇共益
公而抒詠從斌老以贈詩綺蒸琅菜之餘無他長物春韭
秋菰而外別具芳滋看棲鳳垂條砭耳曾聞節足念籀龍
脫鱗批鱗輒作之而是筍也生當江左溪邊產向黔中谷
口膚未成篋實原似菰根齊蘆葍生兒質肖薑椒有母子
曰忠矣常常章作彈蕉書云孝乎往往敬偕薦韭果識味
中有味食之以時乃知生與俱生物惟其有諫況大夫法
持廷尉忠侔桂性含辛糝和榆湯滾未鹿弗濡菹魚無用
蘗凜凜草生指佞惡嫉如仇昂昂槌作淨街言思可畏本
是調梅妙手亦有和羹難言吞棗無心鮮能知味當夫第

綢繆脫蒼玉纔舒金廚薦乍翠金調初品入筍奴茵妾芳
輪竹飀花豬氣苦不可聞徒驚三嗅味辛莫能近無當七
菹誰識董飴道能資夫啟乃粥乃有敦瓜苦質徒見夫貴
如蟠如俄焉餘香細嚼至味漸充勢可鉞膏起廢功能明
目達聰艱辛勵節耿介垂風我見魏徵渭竹之筠尚遜有如
汲黯建荼之性同工人驚觸解世警避驄倘逢掘土舊窪
將毋折檻旌直如或登盤新薦合亟賜筋表忠乃知美勝
綠葵珍逾紫莧蹲合類鵠膳應名雁弗羨乎菱芡芝茹無
需乎雉駕鵠鷄勢同嗽蔗境漸入佳誼結孚葭言都得聞
可使精神俱健菊采東籬直將忠信為昭蘋生南澗官異

中朝參政無待獻魚而陳家宗孤竹使君直來扣馬而諫
皇上旌垂告善冠設進賢師箴尹誦鼓置鞀懸浩浩忠如
膏梁用彰厥善醇醇味若鹽酒有鑒自

天座列金盃益友人來玉版參禪良藥苦衷氣用祛夫憤
厥嘉蔬適口顏默解夫陶然

冰輪賦以雲峯缺處湧冰輪為韻

斗隨車運星見軫分冰凝似水輪轉無垠誰教巧匠斷來
月纔脩斧合借天工製就風恰運斤俯視堪興點染三霄
之露遙臨華蓋氤氲五色之雲時則池昭結蚌壁悄吟
建蜺旌兮午夜鳴鼙鼓兮丁東天色蒼蒼三十輻共一轂

月華朗朗廿八宿羅當宵拖將一縷冰銜堅凝腹澤捧出
五花寶鑑圍挂眉峯則見其如輪也皎潔珠圓清虛玉屑
轉本磨銅剛還鑄鐵周遮乎左轄右轄循環無端馳驟乎
東籬西籬絡繹不絕輪鑲桂樹何止八千為春八千為秋
冰作菱花每逢三五而盈三五而缺皎皎寒光超超元著
形弗蔽乎雲輶景欲追夫日馭可是星聯造父不失其馳
莫非駕近正良我能為御造冰未泮橋逢喜鵲填時如月
之恆地悟明蟾到處豈冰窟之久藏豈冰槃之高捧豈冰
鏡之秋澄豈冰壺之夏擁陰始凝也堅光薦至而益臻車
之聲兮大道周流而無壅照正當頭行无曳踵生於水而寒

於水滄海初升運乎天而麗乎天大江忽湧坡公乃曠然
意遠邈爾神凝明生千里秋起一稜輪無驅而自轉冰不
治以常澄遙瞻珠斗森森倚衡自在瞥見銀河耿耿濡軌
何曾天駟馳而合順牽牛運而能勝得毋奚仲造車工多
合匠當是吳剛修月巧亦鏤冰

皇上治昭開甲

道契撫辰

體與情而克洽

數軫念以皆勻

闡闡開而儀揚

盛軌

軒轅正而運轉

洪鈞準度數以定球扶輿磅礴叶文明而垂象統轄彌綸
圓轉如天車指南以徵合轍

鑒明若月

闕向北而拜

重輪

冰輪賦以雲峯缺處湧冰輪為韻

大輦載福華蓋凝薰彩懸四照光滿十分逍遙兜率之天
流真刻露指點望舒之景取欲梯雲圍冰顙以初圓卅六

宮溶溶有色奉法輪而細轉廿八舍浩浩無垠當夫夕曛
乍斂餘靄猶濃蚌含輝而水閣燿耀魄以雲封天靜雷車
氣已浮夫炯炯影收日御陰猶累以重重未堪鏡取方諸
冰銜徒署何處工來月爾輪斲是宗動地牙於八萬餘里
垂雲腳於七十二峯俄焉瑞彩初騰冰光漸結淡不勝秋
和真若屑出閣道以揚鑣循軌儀而守轍朧而見東宿時
捧玉盤昏以正南門獨完金珰張分軫見待推馭於纖阿
笠結車盟正攀轅於列缺當位而懸升高而御躍出金波
飛來玉署駕星橋而遠渡折軸无虞鳴河鼓以前驅曳輪
何慮濟盈不濡軌斜依析木之旁過闕無停車遙傍明堂

之處秋氣為之愈清夏蟲不可以語輪轉如流冰堅益竦
乍擊三市之圍旋出九衢之甬運周宗動伏兔而趨輝滿
廣寒貫魚以寵迢迢乎御善風行皓皓乎光隨雲湧天運
行而有象朱雀前陳地翻軸以無聲黃牛用輦倘遇乘槎
北斗人來中使張騫如逢泛宅西湖自小大夫文種以蒼
龍為控馭以黑駟為奔騰以軒轅為重較以河漢為錦繩
以招搖為飛旆以貫索為大綱以姮娥為命載以農丈為
奉承以大東小東為軸積以黑道白道為輪升隨當夸父
逐鞭瞠乎其後碾過女媧煉石超乎其乘馬匹亡初云月
幾望狐疑聽直謂水始冰已而更闌欲曙夜永向晨彈完

霓曲影起烏踰仰

重光兮旦復旦占合璧兮新又新維出照以乘離 陽冰
不治亦代明而司夜環轍相循轂轉三千世界軌昭五百
由旬君子得輿指看長空駕福
至人若鏡允推大雅扶輪

補經堂類彙卷第七